



**ИРГЭНИЙ НИСЭХИЙН
ЕРӨНХИЙ ГАЗРЫН ДАРГЫН
ТУШААЛ**

2022 оны 05 сарын 05 өдөр

Дугаар 8/103

Улаанбаатар хот

Г Төсвийн хэмнэлтийн талаар авах
зарим арга хэмжээний тухай Г

Засгийн газрын агентлагийн эрх зүйн байдлын тухай хуулийн 8 дугаар зүйлийн 8.3.1 дэх заалт, 8.4 дэх хэсэг, Төсвийн тухай хуулийн 16 дугаар зүйлийн 16.5.1, 16.5.2 дахь заалт, Монгол Улсын Засгийн газрын 2021 оны 388 дугаар тогтоол, Зам, тээврийн хөгжлийн сайдын 2022 оны А/93 дугаар тушаалыг тус тус үндэслэн ТУШААХ нь:

1. Олон улсын нөхцөл байдлаас үүдэлтэй эдийн засагт үүсээд буй сөрөг нөлөөллийг бууруулах, Монгол Улсын Засгийн газраас хэрэгжүүлж буй бодлого, шийдвэрийн хэрэгжилтийг хангах, байгууллагын өдөр тутмын үйл ажиллагааг хэмнэлтийн горимд шилжүүлэх зорилгоор дараах арга хэмжээг авч хэрэгжүүлэхийг Иргэний нисэхийн ерөнхий газар, түүний харьяа салбар, нэгжийн дарга нарт тус тус үүрэг болгосугай. Үүнд:

1.1. Зайлшгүй шаардлагаас бусад тохиолдолд шинээр ажилд хүн авахгүй байх;

1.2. Өндөр насын тэтгэвэрт гарсан хоёр ажилтан тутамд орон тооны нэг нөхөн томилгоо хийх;

1.3. Зайлшгүй шаардлагаас бусад гэрээт ажилтнуудын “Хөлсөөр ажиллуулах гэрээ”-г дуусгавар болгох, сунгахгүй байх;

1.4. Дотоод сургалт, семинар, хурал зөвлөгөөнийг цахимаар зохион байгуулах, нисэхийн аюулгүй ажиллагаа, аюулгүй байдлыг хангах зайлшгүй ажлуудыг бүсчилсэн хуваарын оруулж, салбар, нэгжүүдийн ажлыг харилцан уялдаатай зохион байгуулж, дотоод томилолтын зардлыг бууруулах;

1.5. Баяр ёслол, хүлээн авалт, аялал зугаалга, спортын арга хэмжээг байгууллагын зардлаар зохион байгуулахгүй байх;

1.6. Иргэний нисэхийн ерөнхий газар, түүний харьяа салбар, нэгжийн ажилтнуудад Хөдөлмөрийн дотоод журмын 6.20.4, ар гэрийн гачигдлаас бусад тохиолдолд цалинтай чөлөө олгохгүй байх;

1.7.Иргэний нисэхийн ерөнхий газар, түүний харьяа салбар, нэгжүүдээс ажлын хэсэгт орж ажиллаж буй ажилтнуудад нэмэгдэл, урамшуулалт олгохгүй байх;

1.8.Иргэний нисэхийн ерөнхий газар, түүний харьяа салбар, нэгжүүдийн ажилтнуудыг илүү цагаар ажиллуулахгүй байх, ажлын зайлшгүй шаардлагаар илүү цагаар ажиллуулсан тохиолдолд биеэр нөхөн амраах зохицуулалтыг хийж ажиллах;

1.9.Орон нутагт зөвхөн нисэхийн аюулгүй ажиллагаа, аюулгүй байдлыг хангахтай холбоотой тусгай засвар үйлчилгээг хийх, бусад машин механизм, тоног төхөөрөмжийн техник үйлчилгээний засварыг орон нутагт хийлгэх арга хэмжээ авах;

1.10.Эд хөрөнгийн бүрэн хариуцлага хүлээх албан тушаалтан, ажилтнуудтай “Эд хөрөнгийн бүрэн хариуцлагын гэрээ”-г Хөдөлмөрийн гэрээний хавсралтаар тус бүртэй байгуулах.

2. Монгол Улсын агаарын зайд өнгөрөлтийн нислэг үйлдэх агаарын хэлгийн тоо буурч, агаарын навигацийн үйлчилгээний орлого буурсантай холбогдуулан санхүүгийн чиглэлээр дараах арга хэмжээг авч ажиллахыг Иргэний нисэхийн ерөнхий газар, түүний харьяа салбар, нэгжийн дарга нарт үүрэг болгосугай. Үүнд:

2.1.Монгол Улсын Засгийн газрын 2021 оны 12 дугаар сарын 22-ны өдрийн “Монгол Улсын 2022 оны төсвийн тухай хуулийг хэрэгжүүлэх талаар авах зарим арга хэмжээний тухай” 388 дугаар тогтоолыг хэрэгжүүлэх зорилгоор хэмнэх боломжтой зардлуудыг тооцон, эрэмбэлэн санхүүжүүлэх, үйл ажиллагааг оновчтой, үр ашигтай зохион байгуулж ажиллахыг Санхүү, хөрөнгө оруулалтын газар (Д.Хатанбаатар), Иргэний нисэхийн үндэсний төв (Н.Батсайхан)-д;

2.2.Төсвийг үр ашигтай зарцуулах, орлого нэмэгдүүлэх чиглэлээр авч хэрэгжүүлэх арга хэмжээний тухай 2022 оны 02 дугаар сарын 25-ны өдрийн А/27 дугаар тушаал, Иргэний нисэхийн ерөнхий газрын төсвийн хэмнэлт, нэмэлт орлого олох 2022 оны 4 дүгээр сарын 12-ны өдрийн батлагдсан төлөвлөгөөний дагуу хэмнэх боломжтой зардлуудыг хэмнэж, нэмэлт орлого олох төлөвлөгөөг хэрэгжүүлэн ажиллахыг Иргэний нисэхийн ерөнхий газар, түүний харьяа салбар, нэгжийн дарга нарт;

2.3.Иргэний нисэхийн ерөнхий газар, түүний харьяа салбар, нэгжүүдийн үндсэн үйл ажиллагаа болон тээврийн аюулгүй ажиллагаа, хөдөлмөрийн аюулгүй байдлыг хангах болон зайлшгүй шаардлагаас бусад тохиолдолд автомашин, тоног төхөөрөмж, тавилга эд хогшил, дүрэмт хувцасны худалдан авалтыг хийхгүй байх, урсгал засвар, түрээсийн зардлыг хэмнэхийг Санхүү, хөрөнгө оруулалтын газар (Д.Хатанбаатар), Иргэний нисэхийн үндэсний төв (Н.Батсайхан)-д;

2.4.Иргэний нисэхийн ерөнхий газар, түүний харьяа салбар, нэгжүүдийн эд хөрөнгийн судалгааг гаргаж, Төрийн өмчийн бодлого, зохицуулалтын газартай хамтран дуудлага худалдаагаар худалдан борлуулах ажлыг зохион байгуулах;

2.5.Худалдан авах ажиллагааг хийхдээ Төрийн болон орон нутгийн өмчийн хөрөнгөөр бараа, ажил, үйлчилгээ худалдан авах хуулийг мөрдөж, таван сая төгрөгөөс дээш үнийн дүн бүхий бараа, ажил, үйлчилгээний худалдан авалтыг батлагдсан төсвийн дагуу гэрээ байгуулан ажиллахыг Иргэний нисэхийн ерөнхий газар, түүний харьяа салбар, нэгжийн дарга нарт;

2.6.Нэмэгдсэн өртийн албан татвар суутган төлөгч эсэхээс үл хамааран дахин давтагдашгүй төлбөрийн дугаар бүхий нэгдсэн системээр баталгаажсан зориулалтын тоног төхөөрөмжөөс гаргасан цаасан болон цахим баримтыг санхүүгийн анхан шатны баримт материалд заавал хавсаргаж байхыг Санхүү, хөрөнгө оруулалтын газар (Д.Хатанбаатар), Иргэний нисэхийн үндэсний төвийн Санхүү, эдийн засаг төлөвлөлтийн газар (Б.Пүрэв-Очир)-т;

2.7.Элэгдлийн хэмжээ, ашиглалтын хугацаагаар балансын үнэ бүрэн нөхсөн, цаашид ашиглах боломжгүй болсон эд хөрөнгийн тооллогыг Төрийн өмчийн бодлого, зохицуулалтын газрын 271 дүгээр тогтоолын дагуу үр дүнтэй хийж гүйцэтгэхийг Иргэний нисэхийн ерөнхий газар, түүний харьяа салбар, нэгжийн дарга нарт, актлах эд хөрөнгийн жагсаалтыг гаргаж, нэгтгэн танилцуулахыг Санхүү, хөрөнгө оруулалтын газар (Д.Хатанбаатар), Иргэний нисэхийн үндэсний төв (Н.Батсайхан)-д;

2.8.Удаан хугацаагаар ашиглагдаагүй, хэрэгцээгүй бараа материалын жагсаалтыг гаргаж, цаашид авч хэрэгжүүлэх арга хэмжээний төслийг боловсруулж, танилцуулахыг Санхүү, хөрөнгө оруулалтын газар (Д.Хатанбаатар), Иргэний нисэхийн үндэсний төв (Н.Батсайхан)-д тус тус үүрэг болгосугай.

3. Төсвийн хэмнэлтийн горимд шилжих, төсвийг үр ашигтай зарцуулах ажлыг зохион байгуулахыг Захиргаа, удирдлагын газар (Т.Батжаргал), Санхүү, хөрөнгө оруулалтын газар (Д.Хатанбаатар), Иргэний нисэхийн үндэсний төв (Н.Батсайхан)-д тус тус даалгасугай.

4. Тушаалын хэрэгжилтэд хяналт тавьж ажиллахыг Захиргаа, удирдлагын газар (Т.Батжаргал), Дотоод аудитын алба (Н.Мөнхсүрэн)-нд тус тус үүрэг болгосугай.

